



## 拖箱角

「細妹人愛較勤(kin)兜！拖箱角園園摺恁多無用个東西好清忒佢咧。」從細到大阿姆就在個个耳空脣念無停。毋係個毋愛淨俐，實在係該兜東西係全部都毋盼得拂啊！

在個童年時，拖箱角園个東西拉拉雜雜麼个就有，有一隻鑲等紅寶石个細禁指，係在糖仔店抽著个，份家啦時戴等，盡錫人；有幾隻摻老弟連拐帶騙討來个圓子，雖然個毋曉彈圓子，毋過，看佢金那那仔，裡背還像人園有一簾一簾彩色个楊桃，盡特別，分個惜像命樣；其他還有用油加利樹子串个戥鍊摻手鉅、食柿仔留下來个柿仔核、包糖仔个玻璃紙。這兜東西，在個姆大人个眼中全係「垃圾」，毋過在個細人仔个心肚全安到「寶貝」。

到較大兜，拖箱角園个東西又無共樣咧。在該人講「為賦新詞強說愁」个年齡，會摻拈來个楓葉、杜鵑花砵燥，頂背寫兜詩詞來抒發心情，心情毋好時拿出來看，還會又噉又笑道道嘆嘆一番；也會園兜海脣拈來个螺殼，該各樣各式个螺殼承載幾多個少女个夢啊！好看電影个個，拖箱角還園有一張張疊到亮亮个電影票存根，頂高寫等日期、影片名、共下看个人來留做紀念。個也會園兜電影明星个相片，書讀懶咧就拿出來欣賞，摻這下个「追星族」共樣，毋過無恁瘋狂定。這兜拖箱角个東西，在大人看來實在無聊，毋過個係用盡神聖个態度收藏佢。

再過較大，想法摻心情踈等年紀轉變，拖箱角園个大體伸著較私密个東西，像書信、日記這兜分享、排遣心情故事个紀錄。在該反叛、違逆个年齡，就靠朋友書信个安慰、勸話，摻對等日記訴說心中个歡喜、委屈、傷心，來平順度過，這兜東西一直留到這下，係個人生中盡重要个珍藏。

結婚後拖箱角園个東西就較少咧，有兩個俵仔斷臍下來个肚臍絆；有俵仔細細時畫个母親節卡片；還有這下正知珍惜个老相片，其中一張個婆著等大衫衫摺等個相片特別寶貴，因為個婆早過身，老弟老妹毋係還細就係盲降，全靠這張相片正認識阿婆。

一路行來，拖箱角个東西時時變，這下幹轉頭看，雖然有兜東西感覺有滴好笑，毋過佢紀錄等個成長个過程，陪等個行過歡歡喜喜、倒倒跌跌、傷心難過。最重要个係，個平淡無奇个生活，因為有這兜東西變到豐富合多彩。

作者：張美容

### ☆詞彙學習☆

【拖箱角】to` siong` gog：抽屜角落。

【金那那仔】gim` na` na` er：亮晶晶的。

【圓子】rhan zii`：彈珠。

【像人】ciong` ngin：好像。

### ☆文法學習☆

【簾】niam`：量詞，計算楊桃、瓜果、柑橘等果肉剖開後的稜片單位。例如：一簾楊桃、一簾柑仔、一簾柚仔、一簾西瓜、一簾黃瓠。